

Na osnovu člana 13. stav 2. tačka 18. Zakona o principima lokalne samouprave u Federaciji Bosne i Hercegovine («Službene novine F BiH» broj 49//06 i 51/09) i člana 17. stav 1. tačka 2. Statuta općine Doboj Istok («Službene novine općine Doboj Istok», broj: 05/08) Općinsko vijeće općine Doboj Istok na 30. redovnoj sjednici održanoj dana 26.10.2023. godine donosi

O D L U K U
o obuci vijećnika Općinskog vijeća Doboj Istok

Član 1.

Ovom Odlukom određuje se obavezna obuka vijećnika Općinskog vijeća Doboj Istok radi njihovog informisanja, kontinuiranog i stručnog usavršavanja za donošenje odluka u skladu sa Statutom i Poslovníkom o radu Općinskog vijeća općine Doboj Istok.

Član 2.

Obuka će se organizovati i održavati prema programu obuke iz oblasti i to: prava i obaveze vijećnika, javne finansije, prostorno uređenje, komunalna djelatnost, mjesto i uloga civilne zaštite i informatičko osposobljavanje.

Član 3.

Obuku će sprovođiti sekretar Općinskog vijeća, pomoćnici općinskog načelnika i stručni radnici općinske administracije.

Član 4.

Programom rada Općinskog vijeća će se utvrditi program obuke sa konkretnim temama po oblastima iz člana 2. ove odluke, periodom održavanja i vremenom trajanja obuke kao i licima koja će vršiti obuku.

Član 5.

Ova Odluka stupa na snagu danom donošenja, a objavit će se u «Službenim novinama općine Doboj Istok».

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK
OPĆINSKO VIJEĆE



PREDSJEDAVALUĆI
OPĆINSKOG VIJEĆA
Nusrēt Dautović

Broj: 02- 04-1187/23

Datum, 26.10.2023. godine